

Treoirline Airgeadais P13 - 2022/2023

Bunscoileanna

An Ríomhbhaincéireacht – Comhairle Thábhachtach Slándála

Comhairle Thábhachtach Slándála

Tá sé curtha ar ár súile dúinn gur chaill roinnt scoileanna an-chuid airgid de dheasca gníomhaíocht chialoiseach a bhain le híocaíochtaí a rinneadh ar an gcóras ríomhbhaincéireachta. Baineann an ghníomhaíocht chialoiseach le haiceáil ar chóras ríomhphoist fhoireann na scoile.

Tá sé ríthábhachtach go ndéanfaí aon athruithe ar shonraí cuntais bainc íocaithe a dheimhniú trí ghlaoch gutháin a chur ar an soláthraí, nó labhairt leis duine le duine, agus ní mór go ndéanadh na daoine údaraithe aon athruithe beartaithe a fhaomhadh sula ndéanfaí aon athruithe.

Ba cheart go ndéanfaí sonraí bainc ó sholáthraithe nua nó aonuaire a dheimhniú freisin trí ghlaoch gutháin a chur ar an soláthraí nó labhairt leis duine le duine sula ndéanfaí aon íocaíochtaí.

- Níor cheart go ndéanfaí aon phasfhocail / ainmneacha úsáideora / chóid le haghaidh an chórais ríomhbhaincéireachta a stóráil i dtimpeallacht na hoifige.
- Níor cheart go mbeadh pasfhocail / ainmneacha úsáideora / cóid le haghaidh an chórais ríomhbhaincéireachta ar eolas ach ag an úsáideoir féin agus, ar an ábhar sin, ní ceadmhach iad a roinnt idir úsáideoirí aonair in aon chás. Ba cheart go mbeidís uathúil agus go mbainfidís go sonrach le húsáideoirí údaraithe ar leith ar an gcóras ríomhbhaincéireachta.
- Aon ghléasanna láimhe leictreonacha faoi leith atá ina gcuid den chóras baincéireachta (is é sin, teirminéil bhainc mharsantaigh), ba cheart iad a stóráil faoi ghlas.

Cur i bhfeidhm chórais ríomhbhaincéireachta:

Is é an Bord Bainistíochta a chaitfidh cinneadh a dhéanamh maidir le cur i bhfeidhm chórais ríomhbhaincéireachta. Is gá go mbeadh an cinneadh sin ceadaithe agus nóta déanta de i miontuairiscí an Bhoird. Beartas ríomhbhaincéireachta agus nósanna imeachta rialaithe inmheánaigh:

A luaithe atá cinneadh déanta go gcuirfean an ríomhbhaincéireacht i bhfeidhm, is gá don Bhord a chinntiú go gcuirfean 'Beartas Ríomhbhaincéireachta' i bhfeidhm mar chuid de nósanna imeachta na scoile maidir le rialú inmheánach.

Is gá go leagfaí amach go soiléir sa bheartas sin conas a úsáidtear an ríomhbhainc éireacht sa scoil, agus go mbeadh teoracha soiléire ann maidir leis an méid seo a leanas:

1. Na cuntais bhainc a mbeidh rochtain orthu sa chóras ríomhbhainc éireachta.
2. Ainmneacha na n-úsáideoirí údaraithe.
3. Rochtain úsáideoirí ar fheidhmeanna an chórais de réir úsáideoirí aonair
4. Ba cheart go sonróaí sa bheartas na húsáideoirí agus róil na n-úsáideoirí sin ó thaobh úsáid an chórais de:
m.sh. amharc amháin, priontáil amháin, íocaíochtaí a údarú, cuntais nua a chur leis, cuntais a scriosadh, buanorduithe / dochair dhíreacha srl. a shocrú
m.sh., d'fhéadfadh sé go mbeadh úsáideoir amháin freagrach as íocaíocht a ionchur sa chóras, agus go mbeadh úsáideoir eile freagrach as an íocaíocht a údarú. Sula ndéantar íocaíochtaí a phróiseáil, tá de fhreagracht ar na daoine údaraithe sin a chinntiú go ndearnadh seiceálacha leordhóthanacha agus gur aistríodh na híocaíochtaí chuig na cuntais bhainc chearta, de réir an bheartais.
5. I gcás bunscoileanna, is iad an cathaoirleach **agus** an cisteoir na daoine údaraithe. Féadfaidh an cathaoirleach a (h)údarás a tharmligean chuig comhalta boird eile de réir an lámhleabhair rialachais.
6. Ní mór don Bhord cuimsiú cuntas bainc nua sa chóras agus baint seanchuntas den chóras a cheadú ar an gcaoi chéanna.
7. I gcás tairseacha i ndáil leis an luach euro a bhaineann le hidirbhearta in aghaidh an lae / na seachtaine / na míosa / an úsáideoira údaraithe, ní foláir go ndéanfaidh an Bord iad a cheadú agus a shocrú ag leibhéal réadúil, agus na meánchostais phárolla fhéiltiúla á gcur san áireamh.
8. Ní mór go leagfaí amach rialuithe slándála maidir le rochtain ar an gcóras agus maidir le pasfhocail.
9. Ní mór go mbeadh aon athruithe ar shonraí íocaíochta deimhnithe trí ghlaoh gutháin a chur ar theagmháil aitheanta sa soláthraí, nó trí labhairt leis duine le duine, agus faofa ag na daoine údaraithe sin sula ndéanfaí aon athruithe.
10. Caithfear a bheith san airdeall nuair a fhaightear ríomhphost ó sholáthraí, mar dhea, ina bhfuil sé ag iarraidh go ndéanfaí a chuid sonraí bainc a athrú. Ba cheart go mbeadh teorainn leis an méid teagmhála a dhéantar tríd an ríomhphost ar an gceist seo toisc gurb iondúil gur tríd an ríomhphost a chuirtear tús le gníomhaíocht chalaoiseach den chineál seo.
11. Ba cheart go ndéanfaí athbhreithniú agus, nuair is cuí, nuashonrú ar an mbeartas uair sa bhliain ar a laghad. Moltar torthaí an athbhreithnithe sin a cheadú agus nóta a dhéanamh díobh i miontuairiscí an Bhoird.

I gcomhréir leis an dea-chleachtas airgeadais agus coincheap an dealaithe dualgas, níor cheart don duine atá ag cur isteach na híocaíochta a bheith ar dhuine díobh siúd a dhéanann an íocaíocht a cheadú.

Má bhíonn tuilleadh eolais uait, cuir r-phost chuig primary@fssu.ie
nó cuir glao ar (01) 910 4020

An tAonad um Sheirbhísí Tacaíochta Airgeadais
An 24 Feabhra 2023